

杭州八旗駐防營志略

杭州八旗駐防營志略卷二十三

仁和張大昌輯

河梁志派

湖水入城有三路一湧金水門居正西一湧金
旱門環帶溝居西少南一清波門底流福溝居
西南流福溝至杜子橋環帶溝水西來會之至
定安橋湧金門之水西來會之入滿營八字橋
分而爲二一東出營過眾安橋入小河至中河
一西折而北出滿營過臬司西至回龍橋折而
東入觀橋入小河

阮文達
濬河記

其從定安橋進滿營

歷蓮花施水坊井亭洪福鞞鼓馬家等橋共十
一所折而西有八字橋板橋龍翔宮橋丁家橋
又折而北有嘉樂眾興長生等橋共七所北出
滿營外之車橋其馬家橋直北又有八字石虎
高橋積福等橋共四所東出滿營外眾樂橋北
營河之橋均不迺舟楫浙西水利圖考又一由湧金門
北城下暗溝入城爲水溝巷伏流經梅青書院
前東出曲阜橋入河又一由錢塘門下笕道入
城爲眞珠河南匯於白龜池東出大陽溝而入
河分設三插因時啟閉

杭州八旗事宜

軍將橋 今呼水洞門橋上築城以爲分界城西

古蹟在三橋北乾隆杭
州府志

曲阜橋 水派自六房院後石橋下河水從此

流出夢梁
錄

施水坊橋 古名處水坊橋或云蓮花橋誤也

城西古
蹟考

井亭橋 南屬錢塘北屬仁和乾隆杭
州府志因近相

國井井上覆亭宋紹興三年丞相梁克家建故

以名橋元至正甲午重修城西古
蹟考

洪福橋 舊名紅橋清祐
志

惠利井

一名玉蓮池

洪福橋之西有惠利井又名

玉蓮池爲湖水入城水口

西湖遊覽志

宋楊存中督

濠寨兵數百且募民夫引湖水以環其居入自

五房出自惠利井蜿蜒縈繞凡數百丈

齊東野語

鞞鼓橋

宋陳自強鞞太學之鼓於此後入相

遂名其橋元至正時重修

城西古蹟考

馬家橋

由五代時吳越王屯兵處故以名橋

城西古蹟考

清湖河

自八字橋西一帶名清湖河

成化杭州府志

清湖橋

跨街南北

成化杭州府志

浣麩橋 與清湖橋合成八字因亦名八字橋

乾隆杭清湖橋水自此折西

城西古蹟考

江學士橋 亦名小橋或傳江氏所造

城西古蹟考

石灰橋 舊志宋范石湖居此故名石湖橋亦

名石虎橋攷乾道志咸淳志夢梁錄皆作石灰

乾隆杭州府志

高橋 又呼倉橋因近南糧倉故有是稱

城西古蹟考

黑橋 其址久廢

城西古蹟考

板橋 在宋左藏庫前亦稱左藏庫橋

城西古蹟考

安濟橋 橋石題字皆陽文今呼爲龍翔宮橋

因橋與宮相近故有是稱安濟之名幾無知者

城西古蹟考

結縛橋 宋爲下瓦時馬光祖爲京尹民有遺

物令結縛於此以待失者今城跨其上爲北水

洞門 城西古蹟考

安福橋 今誤呼爲丁家橋清湖河由八字橋

皆西流至此折而北流 城西古蹟考

丁家橋 今呼嘉樂橋 城西古蹟考

長生老人橋

紀家橋 元時改爲乘驄橋今呼鳳興橋因雍

正四年眾姓重修故名橋上築城爲西北水洞

門外卽按察司監獄故俗又呼監橋

城西古蹟考

溜水橋 明成化十一年左布政使甯良始議

開九渠之一爲河以導湖水鎮守太監李義上

其事從之於是開湧金水門闊七尺高九尺深

四丈九尺

嘉靖杭州府志

康熙四十四年織造孫公大

啟水門引水入城開河廣五尺深八尺以備

御舟出入其橋今呼爲延齡橋

城西古蹟考

同治甲子重

修易用石板爲橋形家言用石於營中不利光

緒六年拆石仍易以木如城垣弔橋之式

防營志

眞珠河 其源來自西湖相傳水口在菩提寺

後

咸清臨安志

唐長慶間白刺史居易所開古有城

濠於外以暗溝引流入於城內直達車橋市河

攷成化志已云淺流萬厯志亦云細流蓋嘉靖

時湖溢城圯濠塞故後水成細流幾類溝渠

城西

古蹟考

眞珠河橋

在錢塘門內之北

城西古蹟考

紅蓮花橋

白蓮花橋

在活水巷南

成化杭州府志

小永安橋

在俞家園湖水由此來經石橋注

西河成化杭
州府志

相國井 在甘泉坊李鄴侯六井之第一成化
杭州

志府井員七八尺甃以石水深二丈許居者往來

行汲或育金魚其中上爲石闌可憑而數王立
道具

萃文
集

西井亦名成
化井 在井亭橋西順治壬辰協領唐

國政所倡復西井寺側康熙仁
和縣志爲鄴侯六井之

第二湖山
便覽其水口在李相國祠前成化杭
州府志

方井 在古大井巷宋時三省激賞庫西爲六

井之第三城西古
蹟考

小方井

其水口在菩提寺前

威化杭州府志

井在宋

舊錢塘縣治之南舊生花巷之東衙內今呼爲

小井巷俗又呼六眼井在裴府前居人家故老

相傳此古井也旱不竭雨不溢有時井底聞風

濤聲蓋有暗溝通於西湖此長源六井中第四

井

城西古蹟考

白龜池 李鄴侯六井其五曰白龜池在錢塘

縣治

嘉靖仁利縣志

水口在玉蓮堂北

威化杭州府志

俗呼長

蕩此水自來不堪汲飲僅資洗濯不知鄴侯引

湖水本自甘冽大約久失浚治之故又此水通

龍翔宮有呂道士汲水厨前小池忽得一白龜
大如鼎死久矣搯之應手而碎好奇者購而食
之淡極無味然則舊志云此水穢惡不堪汲飲
豈爲是耶

康熙仁
和縣志

金牛井 井廢已上凡瀦而汲者爲井導而入
者爲水口六井皆在城內應皆有導入之所而
志載水口僅三白龜則壤爲濁池金牛則竟至
全廢蓋李侯故蹟在此時已不能悉討矣繼李
而治井者長慶時白居易既築隄捍湖復濬六
井宋嘉祐中知州沈邁作南井於美俗坊以補

金牛之缺人稱沈公井熙甯中知州陳襄重濬
治且遷方井蘇軾爲倅詳記其事刻石相國井
亭上及元祐中出守南井已壞乃更爲規畫用
瓦筒石槽以易竹管并他井皆致力焉乾道安
撫周淙倣蘇遺法重修諸井時舊記已漫漶復
礮石刻之且自爲記附其後淳祐安撫趙與憲
清理水口咸淳安撫潛說友修復石筍治井之
事自此而止元明以來言水利者不聞復及於
井

國朝承平日久休養生息仰水之重倍於昔時而

杭城隨處鑿井皆得甘泉蓋古者江與城近捍禦偶忽鹹水每每奔溢入城而民患斥鹵今

列聖相承江海效順

高宗純皇帝復以塘工重務

親巡海甸咨度精詳金隄百里隔越鹹水永不侵城是以輸匯得宜靈液湛溢晨烹夕溉人人飲和雖不屑屑於六井而井養自不窮也

湖山便覽

康熙

二十三年河陽撫部趙公士麟開河修塘嘉慶

九年儀徵撫部阮元道光中撫帥公承瀛濬湖

開河不以六井爲利而城外之筦道已或砌斷

馬城西古蹟考

南井 嘉祐中太守沈文通遺於六井之南爲

南井元祐五年蘇軾浚治改瓦筒海一名沈公

井一名惠遷井水自豐豫門外龍王堂前分

入咸清臨安志

沈公井 在大學後紹定間展拓學基今在學

後門又市西坊北亦有沈公井咸清臨安志兩沈公

井皆與南井一名沈公井者別乾隆杭州府志

松花井 在

御道大街轉北城西古蹟考舊生花坊康熙和縣志初夏汲

水者多見松花浮於水面不數武別一井在居者屋前浮花相同其或來自西湖井旁一溝通白龜池達清湖之暗溝井上鐵井欄鑄有字跡惜剝蝕不可辨

城西古蹟考

睦親井 在宋宗學內

咸淳臨安志

爲今弼教坊西

相近有七井未知孰是

城西古蹟志

鳳凰井 在青龍巷側白龜池北

城西古蹟考

雙井 在棚心寺久廢僅存一井嘉慶間居人

掘地得一井甚清冽

城西古蹟考

鑷子井 在湧金門內轉北水口在湧金門

或化

姚井 在虎頭牌轉西賀家街時有洶湧聲或

作或輟其開浚之始無考

城西古蹟考

天一泉 在新開路北其欄八椽刻虞伯生天

一泉銘

西湖遊覽志

今石移置於佑聖觀洗藥

井上

城西古蹟考

防虞水池 在十官宅前咸淳六年鑿蓋以居

人苟遇火患去水絕遠恃此以安凡池共有二

十二處此其一也

城西古蹟考

顯忠池 在長生老人橋西顯忠廟後其底通

河乾隆時或放鴨雛於池轉瞬俱失忽一鯨昂首水面其巨如椀蓋數百年物也

城西古蹟考

小蓬山池 在龍翔宮後有暗窰西通大陽溝

池中荷花乾隆時極盛後漸淤碑石卧水中嘉慶九年濬河誤斷窰道水淺惟生菖蒲卧碑已作牆基矣

城西古蹟考

浴鵝池 本楊駙馬府遺跡今在開元宮後嘉

慶間居者因旱於池中以亂石淤泥砌路以通

南北旁則葑草叢生鋤爲菜地

城西古蹟考

通利泉 在浴鵝池中路堦向西青石欄上鐫

通利泉三字無年月

城西古蹟考

吳家蕩 在菩提寺前路南菜園中

城西古蹟考

黃天蕩 在埧牌樓梅雨卽漲

城西古蹟考

放生池 在上方寺西地隣城城隣湖外高內

卑隨鋤成流亢陽不能涸池之更便以池放生

蓮池大師放生池記

北牖 在長生老人橋南

防營小志

中牖 在洗麩橋北

防營小志

南牖 在井亭橋

防營小志

附

乍浦營河引流通運河爲水洞門於南營門西側

爲橋四以通往來嘉慶十六年重濬

乍浦備志

徐熊飛乍浦滿洲營重濬營河記

嘉慶十六年夏六月兼旬

亢旱澤盡涸乍浦滿洲營深處城東隅營時承
汲之所俱圯兆購水一石與升米同價士卒
焦然議醜金濬治或謀知邑令尹興民工從事
羣請於鎮海都統純齋西公西公曰止瘠軍疲
民吾不忍爲也於是特捐俸緡僱畚鍤疏其淤
滯自軋城南壁達于左營者若干步深若干尺
達於右營者若干步深若干尺淤土既去清流
委輸復于古道中得泉脈三次鑿佛交注越一
夕水與路平向之焦然者皆欣然就汲如挹掌
醴之流而酌甘露之澤也在易師之象曰地中
有水師君子以容民畜眾蓋師與比對之比
星族黨師師之伍兩卒旅而非水不能聚而有
成故一曰地中有水一曰地上有水其占則皆
无咎也乍浦濶海之家數千戶引南北港脈貫

杭州

入旗

卷二十三

十

城而流匪爲孽塹俾商民朝取夕溉無掣瓶之慮而旗營兵弁以地勢差高雖有左右二渠未能蓄補汪洋挹注不竭此比象成而師或闕焉公經疏肅盡去昔時壅積由是涵湛浚風淪交渙舉一軍習潤澤之斯誠剛中而合應乎師貞之吉矣公自鎮守乍浦以來統率羣屬能以嚴正不獨入旗之士溫如挾纊居民頌公德者遠近無異辭師之九二日在師中吉王三錫命維自今錫王命承天寵沐浴生民者正未有極此地水之義所以容民畜眾也夫監是役者爲協領穆騰阿穆魯納佐領王麟格額防禦安全舒林布例得附書

杭州八旗營駐防志略卷二十四

仁和張大昌輯

坊巷志舊

錢塘門 蓋前古居人築塘處也

雲麓漫鈔

紹興二

十八年增作杭城西四門曰錢塘錢湖清波豐

豫此錢唐名門之始

郭西小誌

一名九曲城

武林舊事元

至正十八年始興築先築錢塘門並湖者數百

丈爲之程勸自錢塘門至豐豫門吳興通守陸

大本判官張士俊治之

貢師秦杭州新城碑記

明前衛百

戶吳東昇善楷書題額

兩浙名賢錄

成化十一年左

布政使甯良議於錢塘門湧金門右開九之一
爲河以導湖水鎮守太監李義上其事從之於
是門爲水門闊七尺高九尺入深四丈九尺嘉
靖三十四年二月提學副使阮鶚增築錢塘門
月城雉堞高二丈三十五年錢塘門外浚濠甃
牖上構弔橋四月霖雨湖水衝圯錢塘門北城
三十餘丈乃塞濠并毀橋牖焉湧金錢塘二門
相去數里中舊有磴道以便守城者上下隆慶
五年十月巡撫鄔連令於城上築嚴警樓
萬曆錢塘
縣崇禎十五年塞門爲方小十分之二
康熙杭州府志

國朝康熙二十四年巡撫趙士麟重葺城丁澎修嘉

慶元年五月仁和知縣鄧雲龍重修於磚下得

大圓鐵礮十五小圓鐵礮二十鉛丸七百餘交

駐防營左司呈送將軍儲庫城西古蹟考同治三年

重修光緒杭

州府志

事蹟玉照新志周美成以待制提舉南京鴻慶

全記了不詳其所謂也未幾青溪賊方臘起逮

其鴟張方還杭州舊居而道路干戈已滿僅得

脫死始入錢塘門但杭人蒼黃奔避如蜂屯蟻

沸視其落日半在鼓角樓簷間卽詞中所謂斜

陽映山落斂餘暉猶
戀孤城欄角者應矣
又宋太學生張行簡醉卧西湖遇女子要與入
城婦曰可尋鶉梧釘二枚貼於錢塘門則得入

杭州

八廣

一

一

一

一

一

一

一

一

矣張問何物曰杖瘡膏藥

也如言貼之遂借入城

文獻通考瀋熙十六年六月錢塘

門旦敢黑風入揚沙石塗人驚避

萬歷錢塘縣志咸清戊辰與化李權舉進士唱

名後乞以木身致仕合得恩例盡以回贈父母

袍書畢辭先聖及二魁同舍出錢塘門脫綠

丁復檜亭泛舟而去古杭雜記作李

云雲心子陸農師之子孫老來賣卜錢塘門

田藝衡錢塘門七古云雒陽曾聞北邙道浙江

今見錢塘門朝朝五鼓靈輒發苦雨悲風愁斷

武林古蹟考朱師古小樓在城內近錢塘門楊

誠齋朝天集有正月二十四朱師古少卿招飲

小樓看燈

郭西小誌宋歐陽守道以言罷守

道步出錢塘門惟書兩篋而已

揮塵餘話劉廷少年不檢從張懷素左道以通
 謀事露遁跡江淮更名海寨郊外海登錢塘門
 杭守遁軍民推誨領郡金寨欲以城獻為眾所殺
 樓遣人下與計有倡言欲以城獻為眾所殺
 新齊諧武林錢塘門內有更樓更夫擊柝表裏
 巡邏眾欲費為之庚熙五十六年夏更夫任三
 者巡巷出路過小廟每至二更聞柝聲則有一人
 從廟中出踉蹌走漏五下則先柝聲入廟如
 是者屢矣任三疑廟中僧有邪約將伺之為詐
 酒肉計次夕月明如晝見其人面枯黑如腊目
 睡深陷兩肩挂銀錠而行察率有聲出入如前
 任三知為僵屍因山門之內停有舊櫬積塵寸
 許詢諸僧人云其師祖時不知誰氏所寄厝者
 也與儕輩語及之其中黠者曰吾聞鬼畏赤豆
 鐵屑及米子備此三物升許伺其破棺出潛取
 以繞棺之夜更屍復出伺其去遠攜燈入視棺
 三物待一夜二更屍復出伺其去遠攜燈入視棺
 後方板一塊俗語所謂和頭者已掀在地中空
 空無所有乃取三物繞棺而密灑之事畢徑歸
 卧更樓上至五更有厲聲呼任三爺者任問為

誰曰我山門之長眠者無子孫久不得血食故
出外營求以救腹餒今爲爾所覺不能入棺吾
其死矣可急起將赤豆鐵屑拂去任懼不敢答
又呼曰我與爾何仇何苦爲此虐耶任念與彼
解圍之後彼殺我而後入何以禦之終不答雞
初號鬼哀懇繼之以詈罵久之寂然明日過樓
下者見有屍僵仆乃告眾鳴官以
屍還諸棺而焚火之一方以甯

頗家街

事蹟城西古蹟考趙惟德居頗家街性古執好
植盆景小樹名爲翦椿登其廷蔚然如游

深山善畫
尤工草書

畚箕兜 亦呼洗布圍相傳爲隋時漂凍布匹

處城西古蹟考

天竺二街

九家街

毛鐵巷

在長生老人橋南

城西古蹟考

事蹟

城西古蹟考李朝梓漢軍人裁汰後改名

加梓善繪仕女傳爲仙授乾隆中名播一時

鑲黃旗人有德君鳳池者師事之

長生老人橋堍

西爲錢塘學宋紹興開昉建

嘉熙四年尹趙與權大其址元因之洪武三年

徙佑聖觀西

成化杭州府志

事蹟

詞源丁巳正月江村民錢良佐書後乙卯歲余以公事留杭數月而玉田張君來寓

錢塘之學舍時主席方子仁始余交道玉田所

自且憐其才而不知余與玉田交且舊也因循從微甚

駐防志略

卷二十一

又六

志雅堂雜鈔掠屋錢人沈善居長生橋楊和王

思辰必設位書恩主供事人問其故云其家再

世皆出楊府衣食今

雖衰替然不敢忘

客杭日記至大元年九月二十

二日同茂之到長生老人橋

城西古蹟考李良臣正紅旗人居長生老人橋

雅愛湖山與僧界源名巨海交游最契久而見

所著西湖游覽志簡明而搜討無遺惜

其未梓慨然助金付制刷俾行於世

又楊岱彭字半嶺居長生橋下工繪乾

隆間畫西湖全圖浙江觀潮圖進呈

御覽因名播都下歷官至防禦所居後軒臨河嘗

釣得一魚背有翼即蓄之盎中越日忽飛去

生花坊亦呼松有明前衛署

國朝改爲正白旗協領署杜子恭墓在署內箭圃

城西古蹟考

事蹟
聽曰直白居錢塘生花坊乃其故居

宋濂潛溪集吾衍傳吾衍字子行杭人也居

花坊一樓客至僮輒止之通姓名使登乃

登廉訪使徐炎一日來見衍從樓上呼曰此樓

何敢當貴人登耶願明日謁謝使節炎素重衍

笑而去生徒從衍游者常數十百人衍坐童子

地上使冠者分番下授時出小清涼繖教之低

昂作舞勢或對賓游談大噓解髮濡酒中爲戲

羣童皆肅容莫敢動衍眇左目跛右足一俯一

仰嫵媚可觀宛有晉宋閒風致畜兩鐵如意日

持弄之或倚樓吹洞簫數曲超然如忘世者性

好譏侮文學士獨推服仇遠及胡之純長孺兄

弟謂百年閒所無有初衍年四十未娶買酒家

女爲妾至十三年秋或訟女嘗爲己妻官爲逮

女母母死復逮母後夫來主衍家會其僞券

事覺連及衍衍固弗知也選者辱衍南出數百

步錄事張景亮識之叱曰是下杭州治臘月未

遣歸或有訴衍丞相府事得竟去不知所之未

杭州

八旗

卷二十四

五

著有尙書要略聽玄造化集九歌譜十一月樂
辭譜重正卦氣楚史構机晉文春秋道書援神
契說文續解石鼓咀楚文
音釋開中編竹素山房詩

平易坊

在錢塘門北

城西古蹟考

事蹟

城西古蹟考王相伯名耘乍浦人道光丁酉
西客杭寓錢塘門之平易坊工繪事人物

尤擅

長受知於哈晴巒松賜亭兩
都統盧楫橋林笛仙遊杭亦同寓

仁普坊

地以白龜池稱
之坊名亦溼

亦呼長蕩頭康熙和縣志

其側爲舊錢塘縣治畫簾堂勤清軒在治內西
爲主簿廳及幕官公廨南爲棧庫明洪武初劉

文以去邵廨遠移治府右

城西古蹟考

宋都作院小

作院均在其地

乾道臨安志

事蹟兩浙名賢錄朱弁字少章婺源人高宗遣使問安兩宮爲通問使十二年和議成始

得歸獻金國所得六朝御容及宣和御書所述

於白龜池

絕妙好詞箋山村仇遠字仁近錢塘人居白龜

池元李濟次山村先生新居詩韻有仁普坊中

卜隱居園林花

木儘盈餘之句

夷堅志乾道三年秋臨安大雷震軍器作坊兵

龍澤夫婦并小兒郭僧凡三人震死於一室初

澤父全旣死澤妹鐵師居白龜爲妓其母但處

女家遇子受俸米取三斗去釋夫頗忤其母至

則屢出惡言郭僧者亦相罵

侮以乞婆目之故獲此譴

彭乘異聞總錄臨安種園人蔭榮於白龜池聞

木中入語言相答應其一云明日沙河塘開絲

帛鋪王家一掌事者當死於此可以爲我代其

一云汝行遠期不遠奈何園人識掌事者急走

報其人感謝誓終日不出門逮旦且哺天府駢
卒家須鋪家供縑帛不得已而往過清湖橋駢
卒引從白龜池路力爭不聽兩傍居者但見此
人獨踽踽自爲紛拏辨鬪之狀亦有識者按之
歸已膏腴不能語口中皆青泥灌以蘇合香九
久之乃醒所謂駢卒者蓋鬼也又明日園人復
往滌菜
溺死焉

裴府前

其地本宋裴禧之宅

城西古蹟考

甘泉坊

在東西壁

成化杭州府志

井亭橋大街至城

根名甘泉坊

康熙和縣志

丹徒郭天錫至正間行江

事蹟

陳玉江聽雨錄丹徒郭天錫至正間行江

於楊

左轄都尉家傳是上方資送物是年二月

又孫

適錢塘人孝親友弟居甘泉

里號東巖老人有東巖老人集

吳鼎陳文量墓誌銘其先陳氏大梁人宋南渡有松隱公者始來居錢塘之廿泉里

小古井巷

事蹟

道古堂文集沈崑翰墓表先世吳興曾王父岷陽始來遷仁和之古井里

水溝巷

其西爲明射圃城西古蹟考

大古井巷

教化街 在大古井街內

無常街

澄清坊

在顧家街南

坊爲明戴鉞建北曰澄清夏時

正坊

肅政坊

今呼虎頭牌

坊爲明戴鉞建西曰肅政夏時

正坊

端本坊

坊爲明戴鎡建南曰端本時

正坊

大瓦巷

今城塞斷其半宋時樂戶所居也

古蹟

事蹟

城西古蹟考元閻秀朱叔貞錢塘人居大瓦巷幼警慧善讀書工詩父母嫁與市井

民家抑鬱不得志詩多愁怨之作

眾樂坊

在大瓦巷前又稱最樂坊其北卽寶

康巷

城西古蹟考

敦睦坊

亦名敦睦坊

南宋泰和樓銀甕酒庫皆其

地

事蹟

城西古蹟考明莫副使居此相傳有湖山一角樓

大井頭

其北爲白兒嶺又名狗兒嶺明中葉

已夷爲平地今存培塿矣

查家衙

在大瓦巷南有查氏登科坊嘉靖戊

戌進士查秉彝所建今呼爲坍牌樓

城西古蹟考

事蹟

城西古蹟考黃履中號德培漢軍人裁汰後仍居坍牌樓善畫名噪一時壽八十而

終其姪九如能濟家學善繪紫牡丹其法自解得於夢中遇古衣冠人授製蘇木汁如製胭脂

法醒依言製之果鮮豔異常因別號夢奇云

百子園巷

在新房廊巷南南宋建炎時靳從

謙以醫官冠從高宗出內府百子圖賜之仍賜

第一區命所居之巷爲百子圖巷康熙和縣志後塞

爲巡警鋪萬曆杭州府志

八寶衢 在小古井巷衢城西古蹟考

德化坊 坊內舊爲仁和術州府志成化杭

木子巷 亦稱明慶寺前街對岸潘閩巷口清和臨安志

宋劉鄜王府開禧三年賜基咸清臨安志

事蹟師山遺文曰者堯民傳子往來錢塘時切

薦訪之累日得明慶寺側大書揭其門曰堯民

五星天地盤及門坐問者數十輩咸以先後無

敢差堯民執筆據案洋洋如常法

氣岸岸欲凌人起五星躔度如常法

城西古蹟考紳秦居恭內井旁善畫性冷乞畫者多見覆故所遺絕少其鄰爽齋善書各體俱擅長有乞書卽磨墨應之

八寶街 卽宋太學街臨河多店肆如東園蔬

菜西溪魚筍皆備有小塘棲之稱

城西古蹟考

豐財坊 在前洋街水洞門之西宋左藏庫址

故名坊曰豐財

城西古蹟考

庫以韓世忠所獻賜第

爲之有東西庫東則幣帛絁紬之屬西則金銀

絲纊之屬太府丞鄭公顯記提轄題名

咸清臨安志

編估打套庫封樁下庫安邊太平庫皆在左藏

庫門內

城西古蹟考

明初以其地賜蔡指揮後夷爲

官署民居西湖遊覽志

事蹟

楊誠齋左藏庫西廬下帟閣負瞻戲題詩序左帟火祭清寒非人間有也而庫官孔

仲石段季承史伯載心而天巧一火閣不薪不炭暖非人間有余以小賜谷名之且賦絕句

梅山續稿姜特

立次韻和作

夢占類考趙雄徵時最貧母在無以卒歲夫婦

對泣次口婦除拾銀一錠重二十五兩由此稍

活後入相例賜白銀百錠既受而缺一錠將以詰守藏吏夢左藏庫神告曰某年月日已告借

用一錠覺而憶之正

靖除得銀之月日也

夷堅乙誌韓郡王解樞柄建第於臨安清湖橋

之東侍女晚至後院見婦人圍冠褌衫背立以

爲姊妹也呼之婦人回首拱女胥卽仆地猶能

言所見遂短氣欲絕王招手宋安國視之揚

帳諦觀曰雖有祟然無傷也一女子年可十八

九說其衣冠皆同又一老嫗五十餘歲皆在左

杭州

八旗

卷

二十四

十

右今當遣去命取大竹一竿掛紙錢其上使小
童執之令病者噓氣宋以口承之吹入竹抄如
是者二竹勢爲之曲宋曰邪氣盛如此豈不爲
人害又吸水噴其竿童力不能勝與竹俱仆女
遂醒先是某家室爲其父母并乳婢生投井中
覆以青石且刻其哭於石陰今所見者蓋此二
鬼召簡妙非他人可比也韓府今爲左藏庫
考召簡妙非他人可比也韓府今爲左藏庫
張景疑獄集寶慶間建甯府樊上舍處太學時
與左藏庫前文節級妻往來文罔知也節級嘗
飲酒肆密聞鄰座有人相語云此間內藏庫前
文節級妻可觀樊上舍往來其家三年矣每節
級五日一次上宿則上舍必宿其家文聽樊字
未明泯其說及當直宿覓人替之至夜三更時
歸家急拳門其妻語上舍曰吾與爾往來三年
無知者夫今歸無所逃矣遂就牀取鬼頭刀援
之曰吾與爾俱出我開門爾即殺之及開門天
黑不辨人上舍揮刀誤中其妻遂逃去文呼報
四鄰鄰曰適不聞人聲且刀從何來我等何由
知之置文於獄遂証服明日赴市就刑樊上舍

見犯由上寫文節級殺妻事遂出街語文節級云你妻是我殺了奈何更要你償命耶卽到官自首免死罪

編管本州

公平正大坊 文章綱紀坊 明清軍道署杭

嚴道水利道提學道署俱在左藏庫橋濱河宋

左藏庫並楊駙馬地舊址

康熙仁
和縣志

東爲公平正

大坊西爲文章綱紀坊

嘉靖仁
和縣志

貞節坊 在甘泉坊北明南京兵部司務許敏

妻鍾氏立

清風坊

舊名活
水巷

宋莊文太子府南

咸淳臨
安志

事蹟

四朝聞見錄真文忠中宏博由劍南召入
爲國錄寓楊開國酒官舍卽今清風坊

俞家園 在金井亭橋之南向時皆荒地或種

稻或種菱故以園名

行都紀事

宋安撫司檢點所提

管廳提幹廳都錢庫卿監郎官宅三省樞密院

激賞庫皆在俞家園

咸清臨安志

元祐九年八月民

俞舉慶七世同居家園木連理

宋史

事蹟

周必大太恭人司徒氏墓誌銘余再值禁林居第在臨安之俞家園每見北來朝士

盛言高司農有賢母今來卜鄰益知其詳

草芝巷

幢子巷

卽茅花巷

萬歷杭州府志

自井亭橋而南其

東爲幢子巷西通施水坊橋

康熙和縣志

妙心寺巷

古名蕉雞巷

城西古蹟考

欽善坊

俗呼問扇子巷

鼇山頭街

嘉慶癸亥秋街北上中湧出一山

石色微赭定祖山之伏脈也

樹廬詩草題注

圻牆口

向陽街衙

上下百歲坊巷

興德巷

相安巷

事蹟

徐一夔始豐稿織工對予僦居錢塘之相安里有饒於財者率居工以織每夜至二

鼓一倡眾和其聲歎然予且過其處見老屋將
壓朽機四五具南北向列工十數人手提足蹠
皆蒼然無神色

桐木巷

在施水坊東通東平巷爲城築斷

城西

古蹟

事蹟日郭天錫客杭州城霜月滿天寒風逼人候
北關門接待寺鐘動換舟入城拂明潘伯起送
余歇於施水坊橋東岸沈待詔之樓遇金壇尹
子源同寓樓頗潔便於坐臥大抵杭城樓居相
連自有一種風韻耳橋東訪趙伯可諸叔儀又
十月月初六日雨不可出儲叔儀隔河橋上見呼
出紙索書具晚飯又十月十七日晴鄰樓尹子
源得財賦文書了辦可喜余帶留日久所幹未
就愈覺憂悶耳晚尹子源燒紙招夜飲坐客余
及沈及之沈國
寶沈大郎父子

杭州

八旗

卷二十四

七

宋濂王節婦傳略節婦名慕貞姓湯氏居武林
施水坊生十七爲同里王常室生男驥元至正
乙未常客番禹之桂林後六年死使蒼頭買易
以給舅姑舅患疽乞以身代訓驥尤切俾事傳
受春秋三傳之學洪武癸丑取貢成均選授吳
王府伴讀拜監察御史近以使事入閩過其家
方嶽大匠浪部使者交謁於門問母夫
人無恙人爲慕貞榮慕貞不自樂也
城西古蹟考都音保號連士滿洲人居施水坊
年十四游庠食饑久困棘闕遂縱於酒書法趙

雪公

花市街 宋南渡鬻花者居之古名冠巷又稱

官巷宋名花園園蹟考有宋都醋庫瀋祐臨

事蹟武林紀事朱玩泉居太平門外善課命正

時三月半後算其難過八九月又以己命託言
親戚者朱云此人立夏死矣時去立夏十數日

耳父未之信歸告其妻妻以

妄言解之已而皆如其言

耐冷譚明嘉隆間張家宰恭毅公與從弟澤山

中丞清門華胄甲一郡向居城中花市甲第連

巨及園地其宅入

營遂移居桐鄉

城內古蹟考微塵和尚號晚暉俗姓劉漢軍人

舊居花市營裁汰後遊蘇暮年返杭飯依南屏

方丈清雲披剃爲僧善畫山水後住棲

霞烏石峯下石佛庵久之仍寂於淨慈

又馬氏故廬在花市直街之西崇禎

時名銓博學多才其詩詞猶相傳誦

富樂坊

成娘娘巷 宋時皇后無成姓亦無賜宅於花

市者俗云神娘娘豈訛而爲成歟西湖游覽志然考

之宋有成肅謝皇后宅在豐禾坊南成恭夏皇

后宅在豐樂橋北度其地皆不遠

城西古蹟考

神堂巷 自壽安坊而西至井亭橋其南爲神

堂巷

萬歷杭州府志

蠟作庵

壽安坊 汴京有壽安山山下多花園春時賞

讌爭華競靡移都後以花市比之故稱壽安

城西

古蹟考

二仙巷

事蹟

武林談藪張光弼卜居壽安坊其所居巷名二仙胡虛白詩有二仙巷裏張員外頭

白相逢只論詩句

八仙巷

宋八仙茶坊故址

乾隆杭
州府志

事蹟

城西古蹟考昇錄字雲舉嘉慶丙午舉人
寓此巷內善書工鐵筆所畫山水小景亦

楚楚
有致

青龍巷

在八仙巷南其西臨河元郊詔西湖

竹枝詞所云青龍巷口新月微卽指此

城西古
蹟考

武學街 在丁家橋

軍將橋街

在韓府南

夢梁
錄

宋浙西安撫參議

署

清祐臨
安志

有茉莉園

姚氏西
湖志

元有儒學提舉司

署

成化杭
州府志

事蹟

容齋五筆光堯梓宮發引適在翰苑製撰
歌頭內一句春秋不說楚冥靈付出太常

杭州八旗

卷二十一

四

吏欲習熟歌唱適有表弟沈日新在將軍橋客邸一士人上庠舊識忽問楚冥靈出處沈亦不能知來扣子因以莊子語告之急走報此士大喜初孝宗以付巨富霍汝剛使釋其意此士霍客也

潘閩南巷 北巷 宋潘道遙居此故名 杭州

府志 宋三官在巷口 咸淳臨 明嘉靖中督學阮鶚

建校士館 萬厯杭 東爲三學射圃 康熙仁

事蹟 吳爲拜經樓詩話 錢塘李子陽先生所居 在潘閩巷故篁墩有忽驚巷額題潘閩愧

我無詩

紀勝游 城西古蹟考王東洽漢軍協領王度之裔裁汰後猶居巷內善書做山舟學士極神似 曲尺巷 在浴鵠池西北 城西古蹟考

菩提寺前

其側爲吳家蕩

城西古蹟考

事蹟

美南叩絃憑軾錄元大德十一年杭州大飢官設粥仙林寺飢民殍死不爲衰止何

長者敬德以施民振乏爲事乃請杭好善而有財智者五六人卽菩提寺作粥夜瀉置大甕中

明旦飢民以至先後列堂廡下或溢出門外道上相向坐虛其前以行粥用兩人昇桶一人執

杓以注器中食已以次去日甯米七八石至十石始六月至八月凡七十日飢民無死者石塘

胡先生長孺曰往歲湖州作糜食飢人糜脫釜猶涕湧器中人大急得食食已輒仆死百步間長

者夜作粥胎大瘵中蓋懲湖州事也

談遷聚林雜知仙居知縣過周謀以事被逮夜宿杭州菩提寺仰藥死

倉米街

在井字樓北有金馬玉堂坊

城西古蹟考

事蹟

城西古蹟考宋踞鼻漢軍人以迫於公事自縊每現形以伴其母夜出亦不崇人

井字樓

本宋酒樓疊構如井故名

西湖游覽志

事蹟

乾隆杭州府志元湯北村曾居此北村淮人與郭祐之相交游

曲阜橋堍

事蹟

成化杭州府志堍北爲盧太監宅

浩然齋雅談余家向有小廨在杭之曲阜橋每聞五更間早朝傳呼之聲雖大風雨亦然於是歎虛名之役人也

新開街凡四巷

清湖橋堍

宋睦親宅在其東

輿地紀勝

北爲沂靖

惠王府爲周漢國端孝長公主第

咸淳臨安志

事蹟

南宋古蹟考謝翔寓近沂王園宋詩紀事乙未八月寓杭終於婦劉氏舍翔廢居行

有云鄰家置屋供官

夢梁錄杭城市肆自濬祐年有名

相傳者清湖河下戚家厚皮鋪

南宋古蹟考杜仲高寓在清湖河仲高名籍尚

谿人著癡齋小集與兄伯高弟叔高季高幼高

負時名人稱金華五高旃游行

省不歸由城外移居清湖河下

又武適安寓在清湖河下適安名衍宇朝宗汴

人以詩名著有適安藏拙稿所居極池亭竹木

之勝命曰適

安卽以自號元時祝吉甫居西河之上構小樓

城西古蹟考元時祝吉甫居西河之上構小樓

眺盡湖山之勝鄰有富家築高墻數仞蔽之吉

甫因鬱鬱不樂趙松雪訪吉甫登樓爲書二字

額曰且看二字貫酸齋亦題於右曰酸齋也看

無何鄰以通番簿錄宅徒垣

屋摧毀小樓內湖山如故

八字橋街

宋十官宅址古通寶坊

咸淳臨安志

事蹟精靈石山房詩集贈文孝廉瑞遷宅詩卜得

橋頭路夜夜

月明開讀書

城西古蹟考陸孝女海鹽捕卒女父名慶雲以

罪充嶺南留妻女於八字橋河下里

號泣不食去卒於八字橋河下里

人憐其貧復義其事捐貲以歛

耶瑛七修類稿吾杭八字橋相傳多邪穢蠱於

行客東有浴肆夜半即有湯一人獨行遇雨驚

有避雨傘下者其人必鬼也至橋上排之於

水乃急走見浴肆有燈入避之頃一人淋瀝而

至且喘曰帶傘鬼擠我於河中幾為溺死矣雨

人相語則皆誤矣又一人背行無燈而微雨聞

後有履聲回頭見一大頭身長二尺伫立觀之

頭亦隨立及行頭亦趨其人大恐

至浴肆引燭觀乃一小兒也蓋以大斗障雨

幾落膽矣引燭觀乃一小兒也蓋以大斗障雨

亦懼鬼故緊隨之是亦為錯者也向使四人散

不自則以為真鬼矣今之見鬼者可卒懼哉

嘉靖仁和縣志張氏貴賢新泰司訓張愷之女
世居仁仰八字橋幼聰警沃間德義之訓年十
七歸錢塘潘璩越三年饒客死嶺南張方二十
子女不存家遭回祿艱苦難支乃斷髮自守躬
養舅姑舅姑繼歿割股以周喪葬已而父母憐
其無侍望以歸不數年隨父官新泰秩滿復旋
夙興夜寐不廢綉織藉資服用當時有巨族求
以續室者母惑之欲奪其志氏曰王蠋有言列
女不更二夫吾獨非若女耶事遂寢父有孫方
禪祿命其鞠養庶可更相爲命氏從之愛養若
己出稍長命名玉潤人邑庠領鄉薦
鄒一桂小山畫講畫筆惟杭州八字橋張文貴
字號所製爲得法其孫號思溪點花用白描行
字號所製爲得法其孫號思溪點花用白描行
幹用狼毫鉤筋用小狼毫葉用小白春色翎毛蜂
蝶用鬚眉山石用蟹爪點花心用白描洗淨
水雲烟地坡石岸用排筆用過卽洗淨
置筒內粉筆磨脂筆各不相假餘或通用
荷花術

大納言牌坊 明屯田御史張濂立

城西古蹟考

和安南巷 北巷

解庫前 在黑橋近宋秀王府

咸淳臨安志

事蹟

客杭日記正大元年九月二十三日同茂之過紀家橋解庫門首見吳若遺提點

節孝坊

俗稱楊寡婦牌樓

在洪福橋側爲節婦楊氏

孝子孫宗黻立

康熙和縣志

節婦楊爲默軒公女矢

節教子以宏治甲寅詔書旌表

孫守台集詩注

黃沙街

鮑生葺巷

事蹟

癸辛雜識咸淳壬申蕪安鮑生葺巷民家因出郊得佳簞作羹恣食是夜鄰人聞其

家撞突有婦久乃寂然疑有他故遂率排闥入
則其夫婦一女皆嘔血殞越倚壁抱柱而死案
間尙餘杯羹以俟其子
適出未還幸免於毒

洪福橋塊 宋爲紫雲坊東有樞密五房院

游覽 西有楊和王府康熙和縣志紹興二十六年詔

賜第內有閣黃奉御畫孝宗奎畫日風雲慶會

之閣咸清臨安志

事蹟 七修類稿洪福橋周主簿善推命之術歸
休廿年日入於貧遂設肆以資是日高坐

歎曰二十年做這許樣來屢言罷休者數聲忽

一人入簾拜曰我此壽二十年矣今欲往刺之
而先生特爲相勸始天所以啟我也就出升於
靴中擲地而去周自是聲名日噪得以溫飽

癸辛街 相傳楊和王建子第於府側癸辛方

向名其門巷曰癸辛街元時有省府廣濟庫洪

武初賜曹國公李文忠永樂間籍於官田氏西

地爲瞰碧園故園有脩竹茂林之趣大滌洞

事蹟四庫全書提要癸辛雜識前集一卷後集

杭州之癸辛街一卷續集二卷別集宋周密撰是編作於

義方巷 通沿城第三直街左首街營牆外爲

邵經邦麟翔鳳彩石坊巷南轉灣通花市街城西

古蹟 宋福王趙汝愚故第康熙和縣志

事蹟城西古蹟考嘉慶間有劉姓掘地獲

又文元圖名慶居義方巷之北幼讀書入泮後

從武至四品好題詠而深於

國書福尚衣使者特依參贊相繼延以致讀院有
假山花木方竹叢生中葺一亭以董蔗林所書
得月亭三字額之

又海濬亭協領居巷內咸豐初築樓於臨河巷
日書義方重教四字額鑄於磚嵌置樓楣上相
傳舊木有樓乾隆
戊子毀於鄰火

清和街 與清河坊音同字異游覽志云清和
坊宋稱古清和坊欲以別於張循王第宅之所

不知近癸辛街者爲清和街則在宋時原無兩

清河坊也

西湖志

事蹟 金彥忠元忠 朔校尉鎮撫金震祖行狀至
元二年以大慶軍恩加贈父武畧將軍江

浙等處行中書省副都鎮撫武畧公曰山居無
以爲養杭有宅第亦猶家也乃與季父參軍奉

杭州

八旗

卷二十一

七

太夫人遊武林

居小清和坊

俞德鄰佩章齊文集至元丁卯正月七日予與

聖子龔君訪徐叔詠於西湖南山上留連竟日

別叔詠送至石佛

庵歸憩清和旅邸

吳遵按察使陳洪範神道碑公與

御史中丞洪濛皆生於清和里

雙井巷 由西井寺牆東轉北其街東爲雙井

巷東爲清和街

康熙仁
和縣志

長春巷 在洪福橋對門之巷

修文坊 吳越錢氏營屯有馬家營因名其巷

成化杭故又稱馬家巷

城西古
蹟考

事蹟 嘉靖仁和县志宋府城中修文坊北有元

鼎舖馬家將士日以一千施貧纔來卽與

謂之順錢都城大火將及馬家巧者之魁率眾百人搬運粗重細軟一無所失火息又爲運木石磚瓦其中或有手藝又各盡力興造自後每日增施一千

金溝巷

在宋學街南

康熙仁和县志

乾隆初塞斷

元寶街

馬家營轉南西抵河有孝慈坊東通

百福巷今築斷

城西古蹟考

事蹟

城西古蹟考金贊廷漢軍人居橋東塊深於繙譯所教者多入仕

新房廊巷

沿城轉西第二直街東通里仁坊

巷今築斷元季名陶家巷又名武定巷

崇訓坊

在輓鼓橋

城西古蹟考

輓鼓橋塊

嘉泰中高文虎爲太學祭酒欲陳

自強之奉遂謂鼓壞請更鞞之未幾自強入相遂更爲鞞鼓堂名其鞞鼓之所曰鞞鼓橋且諷

齋生建登槐亭於舊所肄業之齋

西湖游覽志

事蹟

容齋三筆日錄後題臨安府鞞鼓橋南河兩岸陳宅書籍舖印

鞞鼓橋之

城西古蹟考徐義士市書畫處卽鞞鼓橋之涼亭下徐名錦祿號時齋天津人道尤癸未攜

妻來杭投親未遇坐涼亭齋書畫自給尤擅絲竹歌曲久之寤益甚甲申三月十八日與妻張

同縊於巾子峯下南麓紐家灣縣吏檢驗於懷得一紙自述其先人曾仕江甯遇荒至浙訪故

舊則已他徙途窮金盡以一死免貽先人羞云云因葬之於麥嶺孚惠亭前立碣稱雙吊墳

又王公遠寓居又名清遠紹興林浦人乾隆間游於杭乘功名日倚伴湖山共南鄰陳鳳山北

鄰傳南山一醫

一卜共著一時

江學士坊 學士名曉居此以名其橋相傳所

居卽斬王舊第康熙和縣志未可爲據城西古蹟考

事蹟城西古蹟考道楚滿洲人居橋東幼習文

縱於酒醉輒舞鐵椎爲樂事母孝母卒日夜泣恆憂泉下無侍奉人一夕自沈清湖河

棗木巷 宋百官宅乾道臨西爲石湖橋嘉靖仁和

縣志其巷今名高地城西古蹟考

事蹟武林古蹟考周益公寓在石灰橋益公省齋稿送光祿寺丞李德遠請春詞詩有長

安城中初結綬石灰橋畔還卜鄰之句

嘉靖仁和縣志范成大字致能吳人世居

和棗木巷西有橋曰石湖因成大號石湖也

杭州後貶至五品防禦居河下折東衙內

三多坊上中下三街

福星里 明邵琛素通天文一夕見五福星照

家五彩流輝星光下燭亟召諸孫經邦經濟環

拜語子鑑曰吾家十七年必有興者

康熙仁
和縣志

花園巷

在宗學街北

康熙仁
和縣志

本楊氏舊園

吳

搜

左爲大花園巷右爲小花園巷

城西古
蹟考

事蹟

城西古蹟考廷揆滿洲正紅旗人居花園

五色爛漫觀花春絡繹至留題滿壁同時蔡

木籠沈鑑滄趙仁壽陳瑟堂輩皆玩花之友

睦親坊

亦稱宗學街宋嘉定九年設

咸清臨
安志

彌教坊

明成化十年按察使戴拱立

萬曆杭
州府志

事蹟

東南逸事康熙元年九月七日張煌言與羅綸葉雲王發侍者觀毓同死於弼教坊

仁和

張文嘉僧超真葬

之於

西湖之南屏山

杭城弼教坊滿洲

管一披

甲家產牛二頭各四足四角二尾

氏私史

事繫於軍營五月同燼於弼教坊同死

餘人

新慶巷 由弼教坊營向南

城西古蹟考

前洋街

事蹟

洋街車志宋程迥伊川之裔紹興八年寓前

於堂

壁就視之乃一美女長可至五六尺自稱

玉真

娘子偶至非爲祟乃就壁爲小龕香火奉

之期

年忽飛去

杭州

入

卷二十一

三